

Cais gan Uniper UK am orchymyn yn rhoi cydsyniad datblygu ar gyfer Prosiect Pŵer Carbon Isel Cei Connah (EN010166)

Agenda ar gyfer gwrandawriad mater penodol (ISH2):

Darparwyd hysbysiad ynghylch dyddiad, amser, a lleoliad y gwrandawriad mater penodol 2 hwn (ISH2) yn atodiad E i lythyr [Rheol 6](#) yr Awdurdod Archwilio (ExA) [PD-008] dyddiedig 9 Rhagfyr 2025.

Gwrandawriad	Dyddiad ac Amser	Lleoliad
Gwrandawriad mater penodol 2 (ISH2)	Dydd Mercher 14 Ionawr 2026 Gwrandawriad yn dechrau am 1000 o'r gloch Cofrestru a seddau ar gael yn y lleoliad o 0930 o'r gloch a phroses gofrestru rithwir o 0945 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi o flaen llaw i'r rhai sydd wedi rhag-gofrestru

Agenda

1. Croeso, cyflwyniadau, trefniadau ar gyfer y gwrandawriad

2. Diben y gwrandawriad mater penodol

Bydd yr ExA yn esbonio diben y gwrandawriad, a bydd yn ceisio ymatebion gan yr Ymgeisydd a Phartion â Buddiant (IPau). Gwahoddir Partion â Buddiant hefyd i ofyn cwestiynau ynglŷn â'r pynciau a'r themâu yn ymwneud â'r datblygiad arfaethedig sy'n codi yn y gwrandawriad.

3. Ecoleg

Gofynnir i'r Ymgeisydd roi disgrifiad byr o ganfyddiadau ei asesiad o effeithiau'r datblygiad arfaethedig ar ecoleg ddaearol a dyfrol, a'r mesurau lliniaru penodol y mae'n eu cynnig.

Wedi hynny, bydd yr ExA yn gofyn cwestiynau i ddeall natur a chwmpas yr asesiadau, yr effeithiau a'r mesurau lliniaru hyn; ac yna'n ceisio safbwyntiau gan Bartïon eraill â Buddiant sy'n bresennol, os byddant yn dymuno eu codi.

3.1.	Trosolwg o gynefinoedd presennol a safleoedd dynodedig
3.2.	Effeithiau penodol i safle a rhywogaeth
3.3.	Darparu cynefinoedd newydd a rheoli safleoedd natur yn y dyfodol

4. Traffig a Thrafnidiaeth

Gofynnir i'r Ymgeisydd roi trosolwg byr iawn o'i asesiad o'r effeithiau, gan gynnwys yr effeithiau ar y gymuned leol, yn enwedig yn ystod adeiladu, effeithiau ehangach ar y rhwydwaith priffyrdd strategol, symudiadau cynlluniedig llwythi anwahanadwy anghyffredin (AIL) ac effeithiau risgiau cysylltiedig ar drafnidiaeth forol ac awyr.

Wedi hynny, bydd yr ExA yn gofyn cwestiynau ynglŷn â'r materion hyn ac yna'n ceisio safbwyntiau gan Bartïon eraill â Buddiant sy'n bresennol, os byddant yn dymuno eu codi.

4.1.	Asesiadau traffig ac effeithiau ar y gymuned leol a'r rhwydwaith priffyrdd strategol
4.2.	Tarfu ar lwybrau troed cyhoeddus a mynediad i'r safle bywyd gwyllt a'r cuddfannau presennol
4.3.	Trefniadau ar gyfer symudiadau AIL, gan gynnwys amllder, llwybrau, trafodaethau mynediad, trefniadau caffael tir yn orfodol <i>Sylwer: Nid gwrandawriad caffael gorfodol yw hwn ac ni fydd manylion unigolion penodol yr effeithir arnynt yn cael eu trafod, yn hytrach yr ymagwedd gyffredinol at lwybro a gofynion AIL.</i>
4.4.	Effeithiau cysylltiedig ar drafnidiaeth, gan gynnwys risgiau mordwyo ac awyrlwyio

5. Adolygu materion, camau gweithredu sy'n codi a'r camau nesaf

6. Unrhyw fater arall

7. Diwedd y gwrandawriad

Diben y Gwrandawriad Mater Penodol (ISH)

Mae'r gwrandawriad cynnar hwn ar bynciau Ecoleg, a Thraffig a Thrafnidiaeth yn cael ei gynnal i fynd i'r afael â materion a chwestiynau a amlygwyd gan yr ExA wrth asesu'r dogfennau a ddarparwyd hyd yma, ac yn ystod llunio'r Asesiad o'r Prif Faterion, fel yr amlinellir yn atodiad C y llythyr [Rheol 6](#) [PD-008].

Mae'r ExA o'r farn y byddai'n hwylus archwilio'r materion hyn ar lafar ar ddechrau'r Archwiliad i sicrhau y gellir archwilio'r prif faterion, sef Ecoleg, a Thraffig a Thrafnidiaeth, cyn gynted â phosibl.

Prif ddiben y gwrandawriad hwn yw archwilio'r materion a amlygwyd yn gynnar yn y dogfennau a gyflwynwyd ac archwilio'r asesiadau a gynhaliwyd a'u hystyriaeth gan Bartïon â Buddiant ac ymgygoreion statudol eraill.

Diben y gwrandawriad hwn yw archwilio themâu Ecoleg, a Thraffig a Thrafnidiaeth a'r effeithiau, ac unrhyw fesurau lliniaru y mae'r ymgeisydd wedi'u hamlygu mewn perthynas â datblygiad arfaethedig prosiect Pŵer Carbon Isel Cei Connah. Hoffwn hefyd glywed safbwyntiau'r Partïon eraill â Buddiant sy'n bresennol ac unrhyw ymholiadau a allai fod ganddynt ar gyfer yr archwiliad.

Yn arbennig, o ran Ecoleg, hoffwn ystyried:

- Effaith y datblygiad arfaethedig ar gynefinoedd presennol a safleoedd dynodedig, a'r mesurau lliniaru a gynigir
- Yr effeithiau a'r mesurau lliniaru hyn o ran safleoedd a rhywogaethau penodol ar y safleoedd hyn; a
- Darparu cynefinoedd newydd a sut bydd y rhain a'r safleoedd presennol yn cael eu rheoli yn y dyfodol

Ac o ran Traffig a Thrafnidiaeth, hoffwn ystyried:

- Yr effeithiau posibl ar y gymuned leol a'r rhwydwaith ffyrdd ehangach o ganlyniad i'r datblygiad arfaethedig, gan gynnwys symudiad cynlluniedig llwythi anwahanadwy anghyffredin (AIL)
- Unrhyw aflonyddu neu darfu ar hawliau tramwy cyhoeddus yn ystod y datblygiad arfaethedig; ac,
- Unrhyw risgiau cysylltiedig i drefniadau trafndiaeth eraill ar gyfer teithio morol neu awyr.

Mae'r agenda a ddarperir uchod yn ddangosol ac fe allai newid ar y diwrnod.

Fe allai'r drafodaeth yn y gwrandawriad gyfeirio at y dogfennau canlynol, ymhlith eraill, y dylai fod gan y cyfranogwyr gopi electronig neu gopi caled ohonynt wrth law:

- Cynllun Gwaith [APP-011]
- Safleoedd neu Nodweddion Cadwraeth Natur Statudol ac Anstatudol, a Chynllun Cynefin Pwysig [APP-017]
- Pennod 11 Ecoleg Ddaearol a Dyfrol [APP-049]
- Pennod 10 Traffig a Thrafnidiaeth [APP-048]

Mynychwyr

Byddai'n ddefnyddiol i'r ExA pe gallai'r partïon canlynol fynychu'r gwrandawriad hwn.

- Yr Ymgeisydd
- Cyngor Sir y Fflint
- Cyngorau Tref a Chymuned Lleol
- Cyfoeth Naturiol Cymru
- Natural England
- Cymdeithas Naturiaethwyr Glannau Dyfrdwy
- Senedd Cymru
- Asiantaeth y Môr a Gwylwyr y Glannau
- Maes Awyr Penarlâg (Airbus)
- Arall

Fodd bynnag, nid yw hyn yn golygu na fydd partïon eraill yn gallu cyfrannu. Gwahoddir yr holl Bartïon â Buddiant i fynychu a gwneud sylwadau llafar ar y materion a amlinellir yn yr agenda, yn amodol ar allu'r ExA i reoli'r gwrandawriad.

Mae'r ExA wedi ceisio darparu digon o fanylion i gynorthwyo'r partïon i baratoi ar gyfer y gwrandawriad. Mae'r manylion a amlinellir uchod yn ddangosol ac mae'n bosibl y bydd angen i'r ExA gynnwys eitemau agenda ychwanegol neu ddiwygio'r drefn yr ymdrinnir â'r eitemau.

Dylai unrhyw un sy'n dymuno mynychu'r gwrandawriad wyneb yn wyneb, ond nad yw eisoes wedi rhoi gwybod i dîm yr achos am hyn, wneud hynny cyn gynted â phosibl.

Bydd y digwyddiad yn cael ei ffrydio'n fyw a bydd dolen ar gyfer gwyllo'r ffrwd fyw yn cael ei phostio ar [dudalen we'r prosiect](#) ar y wefan Cynllunio Seilwaith Cenedlaethol yn agosach i ddyddiad y gwrandawriad. Felly, gall Partïon â Buddiant ac aelodau'r cyhoedd sy'n dymuno arsylwi'r gwrandawriad weld y gwrandawriad a gwrando arno gan ddefnyddio'r ffrwd fyw, neu wyllo a gwrando ar y recordiad ar ôl iddo orffen.

Y broses gofrestru

Bydd partïon sydd wedi cofrestru i siarad (wyneb yn wyneb ac yn rhithwir) yn cael neges e-bost sy'n cynnwys cyfarwyddiadau ymuno yn fuan cyn y gwrandawriad. Bydd y neges e-bost hon yn cynnwys dolen i'r digwyddiad rhithwir ar Microsoft Teams, a rhif ffôn os bydd angen iddynt gymryd rhan dros y ffôn. Er mwyn i'r gwrandawriad allu dechrau'n brydlon am **1000 o'r gloch**, dylai'r rhai sy'n mynychu'n rhithwir ymuno am **0945 o'r gloch** i sicrhau bod yr holl fynychwyr rhithwir yn gallu cwblhau'r broses gofrestru mewn da bryd.

Y weithdrefn mewn Gwrandawriad Mater Penodol

Yn ôl y canllawiau o dan Ddeddf Cynllunio 2008 a Rheolau Cynllunio Seilwaith (Gweithdrefn Archwilio) 2010, mater i'r ExA yw archwilio, profi ac asesu'r dystiolaeth trwy ofyn cwestiynau uniongyrchol i'r rhai sy'n gwneud sylwadau llafar mewn gwrandawriadau. Bydd holi yn y gwrandawriad yn cael ei arwain gan yr ExA. Bydd yr

ExA yn caniatáu i rywun sy'n rhoi tystiolaeth gael ei groesholi gan rywun arall dim ond os yw'n penderfynu bod hynny'n angenrheidiol i sicrhau bod sylwadau'n cael eu profi'n ddigonol neu fod Parti â Buddiant wedi cael cyfle teg i gyflwyno ei achos.

Bydd y gwrandawriad yn gorffen cyn gynted ag y bydd yr ExA yn penderfynu bod pawb sy'n bresennol wedi lleisio'i farn a bod yr holl faterion wedi derbyn sylw. Os oes materion ychwanegol i'w trin, efallai y bydd angen gohirio rhai materion i gwestiynau ysgrifenedig. Dylai'r dystiolaeth a gyflwynir ar lafar yn ISH2 gael ei chynnwys mewn cyflwyniadau ôl-wrandawriad a'i chyflwyno erbyn **Dyddiad Cau 1** (27 Ionawr 2026).

Y Gymraeg

Rydym yn croesawu cyfraniadau yn Gymraeg yn ystod yr archwiliad. Bydd cyfleusterau cyfieithu ar gael mewn unrhyw wrandawriadau a gynhelir, er mwyn caniatáu i'r rhai sy'n bresennol wneud cyfraniadau yn Gymraeg, os ydynt yn dymuno gwneud hynny.